

BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO  
OPĆINA ILIJAŠ  
OPĆINSKI NAČELNIK



BOSNIA AND HERZEGOVINA  
FEDERATION OF BOSNIA AND HERZEGOVINA  
CANTON SARAJEVO  
Municipality of Ilijaš  
MAYOR OF MUNICIPALITY

Služba civilne zaštite

---

**PRAVILNIK**  
**o unutrašnjoj organizaciji i sistematizaciji Općinskog štaba**  
**civilne zaštite Općine Ilijaš**

Ilijaš, 2022. godine

---

Općina Ilijaš, 126. Ilijaške brigade br. 6, 71380 Ilijaš  
Tel: 033-580-695 Fax: 033-400-785  
e-mail: [cz@ilijas.ba](mailto:cz@ilijas.ba) web stranica: <http://www.ilijas.ba>

Broj certifikata: 209388



Na osnovu člana 106. stava 1. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine FBiH“, broj: 39/03, 22/06, 43/10), člana 13. Pravilnika o načinu rada i funkcionisanja štabova i povjerenika civilne zaštite („Službene novine FBiH“, br. 77/06 i 5/07) i Odluke o osnivanju Općinskog štaba civilne zaštite općine Ilijaš, broj: 01/2-40-2667/22 od 11.11.2022.godine, Općinski štab civilne zaštite Ilijaš, na sjednici održanoj 11.11.2022 godine, **donosi:**

## **PRAVILNIK**

### **o unutrašnjoj organizaciji i sistematizaciji Općinskog štaba civilne zaštite općine Ilijaš**

#### **I. OSNOVNE ODREDBE**

##### **Član 1.**

Ovim pravilnikom uređuje se unutrašnja organizacija Općinskog štaba civilne zaštite Općine Ilijaš ( u daljem tekstu: štab), broj izvršioaca, uslovi u pogledu stručne spreme, rukovođenje radom, zadaci štabova, raspored članova i druga pitanja od značaja za rad štaba utvrđena Zakonom o zaštiti i spašavanju ljudi i materijalnih dobara od prirodnih i drugih nesreća.

##### **Član 2.**

U vršenju zadataka iz svog djelokruga Općinski štab, dužan je obezbijediti trajno i efikasno obavljanje poslova koji su mu Zakonom stavljeni u djelokrug, da obezbijedi efikasno i potpuno ostvarivanje prava i dužnosti građana, preduzeća i drugih pravnih i fizičkih lica.

##### **Član 3.**

Općinski štab u okviru prava i dužnosti vrši sljedeće poslove i zadatke:

- a) odlučuje o upotrebi snaga i sredstava CZ kojima raspolaže Općina, kao i snaga i sredstava kojima raspolažu pravna lica na području općine, koja se mogu koristiti za zaštitu i spašavanje ugroženih ljudi;
- b) naređuje sprovođenje odgovarajućih operativnih mjera zaštite i spašavanja koje se odnose na spašavanje ugroženih ljudi i materijalnih dobara;
- c) usmjeravaju, koordiniraju i rukovode akcijama zaštite i spašavanja svih učesnika angažiranih na zaštiti i spašavanju na svome području;
- d) rješavaju sva pitanja koja se u toku provođenja aktivnosti na zaštiti i spašavanju pojave u vezi sa angažovanjem snaga i sredstava civilne zaštite i provođenja mjera zaštite i spašavanja i samozaštite građana.

#### **II. RASPORED POSLOVA I ZADATAKA ČLANOVA ŠTABA I UNUTRAŠNJA ORGANIZACIJA**

##### **Član 4.**

Raspored odnosno postavljanje, razrješavanje dužnosti članova štaba na poslove i zadatke iz prethodnog stava vrši općinski načelnik.

## Član 5.

Općinski štab svoje poslove i zadatke iz utvrđenog djelokruga obavlja putem komandanta, načelnika i članova štaba.

R/B	Naziv funkcije	Br. izvršioca	Stručna sprema	Napomena
1.	Komandant	1	VSS	Općinski načelnik
2.	Načelnik štaba	1	VSS	Rukovodilac službe CZ
3.	Član štaba	1	VSS	Rukovodilac ili ovlaštena osoba službe za privredu i finansije
4.	Član štaba	1	VSS	Rukovodilac ili ovlaštena osoba službe za saobraćaj, stambeno-komunalne poslove i građenje
5.	Član štaba	1	VSS	Rukovodilac ili ovlaštena osoba službe za zajedničke poslove
6.	Član štaba	1	VSS	Rukovodilac ili ovlaštena osoba službe za društvene djelatnosti i poslove MZ
7.	Član štaba	1	VSS	Službe civilne zaštite
8.	Član štaba	1	SSS	Službe civilne zaštite
9.	Član štaba	1	VSS	Rukovodilac ili ovlaštena osoba PU Ilijaš
10.	Član štaba	1	VSS	Rukovodilac ili ovlaštena osoba JKP "Vodostan" Ilijaš
11.	Član štaba	1	VSS	Rukovodilac ili ovlaštena osoba JKP "Rad"- R.J. Ilijaš
12.	Član štaba	1	VSS	Rukovodilac ili ovlaštena osoba OJ Doma zdravlja Ilijaš
13.	Član štaba	1	VSS	Rukovodilac ili ovlaštena osoba PVB ispostava Ilijaš
14.	Član štaba	1	VSS ili SSS	Rukovodilac ili ovlaštena osoba Crvenog križa općine Ilijaš
15.	Član štaba	1	VSS	Rukovodilac ili ovlaštena osoba KJP "Sarajevo šume" d.o.o.
<b>UKUPNO: 15</b>				

Tabela 1. Pregled unutrašnje organizacije i sistematizacije Općinskog štaba.

## Član 6.

### Komandant štaba

- a) rukovodi Općinskim štabom,
- b) u okviru svojih ovlaštenja obezbjeđuje zakonito, stručno, efikasno i racionalno izvršavanje svih poslova i zadataka iz djelokruga rada Općinskog štaba putem pismenih i usmenih naredbi i upustava,
- c) utvrđuje prijedlog organizacione strukture Općinskog štaba,
- d) utvrđuje prijedlog planova i programa razvoja Općinskog štaba i jedinica civilne zaštite.

### Načelnik štaba

- a) utvrđuje prijedlog organizacione strukture civilne zaštite,
- b) učestvuje u utvrđivanju prijedloga planova i programa razvoja Općinskog štaba i jedinica civilne zaštite
- c) izrađuje planove upotrebe jedinica civilne zaštite u ratu i otklanjanju posljedica prirodnih i drugih nesreća u miru,
- d) kontrolira funkcionisanje civilne zaštite u sprovođenju mjera zaštite i spašavanja,
- e) priprema i rukovodi vježbama i drugim oblicima obučavanja u civilnoj zaštiti,
- f) procjenjuje ugroženost teritorije od posljedica ratnih dejstava i prirodnih i drugih nesreća,
- g) stara se i poduzima mjere kod nadležnih organa općine da se finansijska sredstava namijenjena za razvoj civilne zaštite koriste u skladu sa utvrđenim namjenama,
- h) koordinira saradnju i rad sa susjednim i drugim štabovima civilne zaštite, policijskim upravama, javnim preduzećima i drugim organima na poslovima od zajedničkog interesa.

### Članovi štaba

- a) učestvuje u organizovanju i pripremanju jedinica civilne zaštite i sprovođenju mjera lične i uzajamne zaštite,
- b) učestvuje u pripremanju vježbi i drugih oblika obučavanja u jedinicama civilne zaštite,
- c) poduzimaju mjere i aktivnosti oko nabavke sredstava za ličnu i kolektivnu RHB zaštitu i čuvanje opreme i MTS-a,
- d) vrše usmjeravanje na izvršavanju zadataka u zaštiti i spašavanju od ratnih dejstava prirodnih i drugih nesreća,
- e) učestvuje u procjeni posljedica ratnih dejstava, prirodnih i drugih nesreća i organizuje akcije na zaštiti ljudi i materijalnih dobara,
- f) izvršava i druge poslove i zadatke iz djelokruga rada po naređenju komandanta štaba.

### III. NAČIN RUKOVOĐENJA

#### Član 7.

Općinskim štabom rukovodi Komandant, a u njegovom odsustvu načelnik štaba u okviru zakonom utvrđenih ovlaštenja.

Komandant, a u njegovom odsustvu načelnik štaba u okviru svojih ovlaštenja obezbjeđuje zakonito, stručno, efikasno i racionalno izvršavanje svih poslova i zadataka iz djelokruga rada općinskog štaba putem pismenih i usmenih naredbi i upustava.

#### Član 8.

Poslovi i zadatci iz djelokruga štaba izvršavaju se prema programu rada. Programom rada utvrđuje se jednom godišnje u skladu sa programom rada Kantonalnog štaba civilne zaštite.

#### Član 9.

Članovi štaba su dužni da vode evidenciju o svome radu, vrsti i količini izvršenih poslova, vremenu utrošenom na izvršavanju poslova. Izvršeni poslovi služe kao osnov za utvrđivanje rezultata rada svakog člana štaba kao i cjeline.

### IV. PRELAZNE I ZAVRŠNE ODREDBE

#### Član 10.

Ovaj Pravilnik stupa na snagu danom donošenja i isti će biti istaknuto na oglasnoj ploči Općine Ilijaš.

Bosna i Hercegovina  
Federacija BiH  
Kanton Sarajevo  
Općina Ilijaš  
Općinski štab civilne zaštite

Broj: C/2-40-43 /22

Datum: 14.11. 2022.godine

KOMANDANT ŠTABA

  
  
Akif Fazlić, dipl. ecc.